



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

17.10.2022

314-um-son

### **O‘zbekiston Respublikasi Vazirlar Mahkamasining 2022-yil 3-oktabrdagi “Oliy ta’lim tashkilotlarida masofaviy ta’lim shaklini joriy etish chora- tadbirlari to‘g‘risida”gi 559-son qarori ijrosini ta’minlash haqida**

O‘zbekiston Respublikasi Vazirlar Mahkamasining 2022-yil 3-oktabrdagi “Oliy ta’lim tashkilotlarida masofaviy ta’lim shaklini joriy etish chora-tadbirlari to‘g‘risida”gi 559-son qarori ijrosini ta’minlash hamda Toshkent davlat yuridik universitetida masofaviy ta’lim shakli bo‘yicha o‘quv jarayonini samarali tashkil etish maqsadida

### **B U Y U R A M A N:**

1. O‘zbekiston Respublikasi Vazirlar Mahkamasining 2022-yil 3-oktabrdagi “Oliy ta’lim tashkilotlarida masofaviy ta’lim shaklini joriy etish chora-tadbirlari to‘g‘risida”gi 559-son qarori (keyingi o‘rinlarda – Qaror) rahbarlik va ijro uchun qabul qilinsin.

2. Toshkent davlat yuridik universiteti (keyingi o‘rinlarda – TDYU) Kengashining 2022-yil 3-iyundagi navbatdan tashqari 6-son majlis bayonnomasi bilan TDYUda 2022/2023 o‘quv yilidan masofaviy ta’lim shakli joriy qilingani inobatga olinsin.

3. O‘quv-uslubiy boshqarma (Registrator ofisi) (S.Bozarov) masofaviy ta’lim shaklida ta’lim oluvchi talabalar uchun dars mashg‘ulotlari va imtihonlarni sifatli tashkil qilish maqsadida quyidagilarni joriy qilish choralarini ko‘rsin:

talabalarga axborot-kommunikatsiya texnologiyalaridan foydalangan holda ta’lim olishlari uchun sharoit yaratish;

masofaviy ta’limda bir o‘qituvchiga to‘g‘ri keladigan talabalar soni nisbatining cheklangan normativlarini 1:50 nisbatda belgilash;

elektron ta’lim platformasi (digital.tsul.uz)da imtihon jarayonida talabaning shaxsini avtomatik ravishda autentifikatsiyalash, uning xatti-harakatlari va nigohi yo‘nalishini nazorat qilish, xonadagi tovushlarni tahlil qilish, videodagi

buzilishlarni tuzatish va hisobotlar tayyorlashga yo'naltirilgan dasturiy tizim – **avtoproktoring** o'rnatish;

o'quv jarayoni ishtirokchilarining Internet jahon axborot tarmog'ida bir xil bo'lmagan vaqtlardagi o'zaro aloqa rejimi – **asinxron** rejim o'rnatish.

4. Qabul jarayonini tashkil etish bo'limi (B.Avazov) 2023/2024 o'quv yilidan boshlab masofaviy ta'lim shakli asosida kadrlar tayyorlashda bir bakalavriat ta'lim yo'nalishiga qabul parametrlari 300 nafar talabadan, bir magistratura mutaxassisligiga 30 nafar talabadan ortiq bo'lmashligini (talabalar sonini aniqlashda xorijiy davlat fuqarosi bo'lgan talabalar hisobga olinmaydi) inobatga olsin.

5. Magistratura va sirtqi ta'lim fakulteti dekani (A.Babadjanov):

Qarorning mazmun-mohiyatini masofaviy ta'lim shakliga qabul qilingan talabalarga yetkazsin;

talabalarni digital.tsul.uz ta'lim platformasida ro'yxatdan o'tishini ta'minlasin.

6. Kafedra mudirlari:

digital.tsul.uz ta'lim platformasida o'quv yili uchun mo'ljallangan o'quv kontentlarini to'liq kiritilishini ta'minlasin;

o'quv jarayonini amalga oshirish uchun masofadan turib dars mashg'ulotlari olib boradigan xorijiy pedagog kadrlarni jalb etish choralarini ko'rsin.

7. Ta'lim sifatini nazorat qilish bo'limi (B.Akmalxonov) Magistratura va sirtqi ta'lim fakulteti dekani (A.Babadjanov) bilan birgalikda masofaviy ta'lim sifatini muntazam monitoring qilib borsin.

8. Mazkur buyruqning ijrosini nazorat qilishni o'z zimnamda qoldiraman.

**Rektor**



**A.TASHKULOV**

Toshkent shahar

## **Kiritildi:**

Boshqarma boshlig'i

S.BOZAROV



## **Kelishildi:**

Dekan (Fan nomzodi yoki falsafa  
doktori (Ph.D) ilmiy darajasiga yoki  
xorijiy davlatlarning unga  
tenglashtirilgan boshqa ilmiy  
darajalariga yoki dotsent ilmiy  
unvoniga ega bo'lgan)

A.BABADJANOV



Bosh mutaxassis

B.AKMALXONOV



Bo'lim boshlig'i

B.AVAZOV



yuriskonsult

D.ALIBOYEV

